



**Ang Pagtulon-an ni
Jesu-Kristo**

Kahibalo ka ba nga ang pinakabililhon nga butang sa kinabuhi libre? Ikaw pwedeng makasiguro ug libreng pagbyahe ngadto sa langit aron magpuyo uban sa Diyos hangtod sa kahangturan tapos sa imong pagbiya dinhi sa kalibutan. Wala kini magkinahanglan ug relihiyosong mga binuhatan o maayong mga buhat, o sa bisan unsa nga paaging kalibutanon.

Siguro ikaw makapangutana, “Unsa man diay ang akong buhaton?” Ang tubag wala. Ikaw walay angay’ng may pagabuhaton pa. Dili kana kinahanglan maningkamot aron mahimong maayo o motambong sa simbahan o imong kinahanglan usbon ang imong personalidad. Ang kaluwasan usa ka gasa. Ang gasa usa ka gasa, ug ang gasa libre – walay bugti niini!

“Pinaagi sa grasya kamo nangaluwas diha sa pagtoo ug nga kini [kaluwasan] dili gikan sa inyong mga binuhatan; kini usa ka gasa gikan sa Diyos, dili pinaagi sa buhat aron walay bisan usa nga makapasigarbo.” (Efeso 2:8, 9)

Kini libre para sa tanang katawhan tungod kay gibayran naman ni Kristo ang tanang mga sala, bisan pa ang mga kinagrabehan nga mga sala. Ang 1 Pedro 2:24 nagakanayon:

“Ug Siya mismo mipas-an [sa tanan] sa mga sala diha sa Iyang lawas [sa panahon sa paghukom ibabaw sa krus].”

Unsaon man sa pagdawat niining mao nga gasa? Gikinahanglan ba nga moadto ka pa sa pinakadool nga Kristohanong simbahan aron sa pagdawat niini?

Dili na, kini hilabihang kadool pa kaysa niana. Ang kaluwasan anaa sa imong panghuna-huna. Kung ikaw sa tinuod nagatoo nga si Kristo mao ang manluluwas, gamita lamang ang imong kabubut-on sa pagpadayag sa imong pagtoo ngadto Kaniya: *“Amahan nga Langitnon, ako nagatoo kang Ginoong Jesu-Kristo ingon nga akong Manluluwas.”* Diha-diha sa imong pagtoo ni Jesu-Kristo, ang Diyos maga-isip diha kanimo sa Iyang hingpit nga pagkamatarong, ug magahatag kanimo sa kinabuhing walay katapusan. Kini nagpasabot nga ikaw karon may katakos na aron sa pagpakigrelasyon sa Diyos, ug pagpuyo uban Kaniya sa dayon.

“Ako mao ang pagkabanhaw ug ang kinabuhi [Si Jesus nabanhaw tulo ka adlaw ang nilabay human sa Iyang lawasnong kamatayon didto sa krus], siya nga magatoo Kanako mabuhi bisan nga siya mamatay.” (Juan 11:25)

Si Ginoong Jesu-Kristo Diyos sa kanunay ug nahimo nga Diyos-tawo niadtong anyo 4 BC. Ang walay katapusan nga Diyos nakighiusa sa matuod nga pagkatawo. Tungod niini si Jesu-Kristo tumbas sa parehong pagka-Diyos ug pagkatawo. Mao kini ang nagahimo Kaniya nga bugtong tigpataliwala tali sa Diyos ug sa katawhan.

“Adunay usa ra ka Diyos ug usa ra ka tawo, ang tigpataliwala tali sa Diyos ug sa mga tawo, ang tawo nga si Kristo Jesus nga mihatag sa Iyang kaugalingon nga bugti alang sa tanang mga tawo [Siya midawat sa imong silot aron lamang matagbaw ang pagkamatarong sa Diyos, mibayad sa silot para sa imong kagawasan].” (1 Timoteo 2:5,6a)

Bugtong usa ka tigpataliwala tali sa Diyos ug sa tawo ang makasulbad sa problema sa sala sa katawhan. Busa, isip bugtong tigpataliwala, si Kristo makasulti ug:

“Ako mao ang dalan, ang kamatuoran, ug ang kinabuhing dayon; walay bisan kinsa nga maka-adto sa Amahan [diha sa langit] kung dili pinaagi Kanako.”
(Juan 14:6b)

Si Kristo midawat sa silot para sa mga sala sa matag tawo sa kasaysayan sa kalibutan, walay pagsapayan sa kaliwat, kahimtang o relihiyon:

“Ug Siya mismo ang katagbawan para sa atong mga sala [mga magtotoo]; ug dili sa ato lamang, kung dili para sa tibuok kalibutan.” (1 Juan 2:2)

Ang Diyos Amahan misilot sa hingpit nga pagkatawo ni Jesus para sa atong mga sala aron Siya makahatag ug kinabuhing walay katapusan sa tanang mga katawhan, bisan pa kung unsa ka grabe ang atong mga sala. Ang Diyos adunay walay kinutuban, walay kondisyon nga gugma alang kanatong tanan, ug Iyang gibuhat ang tanan aron kita maluwas gikan sa walay katapusan nga paghukom.

“Apan ang Diyos nagapadayag sa Iyang gugma alang kanato, nga bisan sa makasasala pa kita, si Kristo nagpakamatay alang kanato.” (Roma 5:8)

“Kay gihigugma gayud sa Diyos ang kalibutan [katawhan] nga tungod niana Iyang gipadala ang Iyang walay sama nga pagkatawo nga Anak aron bisan kinsa nga motoo Kaniya dili malaglag kon dili may kinabuhing walay katapusan.” (Juan 3:16)

Busa ngano man nga kita giingnan sa pagtoo ni Jesu-Kristo alang sa atong kaluwasan? Kita giingnan niini tungod kay kini ang paagi sa pagbuhat sa wala. Wala ang gusto sa Diyos nga atong pagabuhaton tungod kay lya namang nahuman ang tanang gimbuhaton. Siya wala manginahanglan sa atong tabang, ug gawas pa, walay mahimo ang usa ka makasasala aron sa pagkab-ot sa hingpit nga pagkamatarong nga gikinahanglan aron makabaton sa walay katapusang relasyon uban sa Diyos didto sa langit.

“Kitang tanan nahimong mahugaw, ug ang tanan natong pagkamatarong [tanang mga buhat nga kita nagatoo nga makahatag ug pabor o makabentaha nga may kalambigitan sa langit] daw sa mahugaw nga trapo.” (Isaias 64:6)

Ang pagtoo usa ka paagi sa pagkat-on ug paggamit sa kahibalo. Ang pagtoo nagsalikway sa bisan unsang binuhatan nga nagagikan kanimo, ug kini nagakinahanglan lamang sa imong pagtoo sa maong kahibalo ingon nga matuod.

Daghan sa imong nahibalo-an gikan sa pagtoo. Sa dihang ikaw bata pa, ang imong maestro nagtudlo kanimo nga ang Manila maoy 'capital' sa Pilipinas. Karon, sa dihang ikaw mitoo sa imong maestro, ikaw walay lain nga gibuhat. Pinaagi sa abilidad ug ang buhat sa imong maestro, ikaw nasayud nga ang Manila maoy 'capital' sa Pilipinas. Ang imo lamang kinahanglan buhaton mao ang pagtoo kaniya.

Mao usab ang kamatuoran sa gibuhat ni Ginoong Jesu-Kristo didto ibabaw sa krus. Si Jesu-Kristo ang mibuhat sa tanan, midawat sa silot alang sa matag usa ka sala nga imong mabuhat sa tibook nimong kinabuhi. Ang ato lamang buhaton mao ang pagtoo Kaniya; ihatag ang atong pagsalig diha Kaniya para sa atong kaluwasan.

“Kita Iyang giluwat dili tungod sa mga binuhatan nga atong nabuhat diha sa [tawhanong] pagkamatarong, apan pinaagi sa Iyang gugma.” (Tito 3:5a)

Kung ikaw motoo ni Jesu-Kristo, naghimo ka ug usa ka desisyon nga wala nagkinahanglan ug paningkamot nimo.

Kung ikaw nagatoo nga ang Diyos nagpadala ni Jesu-Kristo dinhi sa kalibutan aron sa pagpakamatay alang sa imong mga sala, ikaw makahimo sa pagpadayag sa imong kinabubut-ong desisyon sa pagtoo pinaagi sa paglitok ngadto sa Diyos nga Amahan niini: *“Ako nagatoo kang Ginoong Jesu-Kristo.”* Sa samang higayon sa imong pagtoo, ang Diyos miluwas kanimo ug ikaw gihatagan sa kinabuhing walay katapusan. Ikaw mahimo nang anak sa Diyos hangtud sa hangtod.

“Siya nga nagatoo sa Anak, adunay kinabuhing wala nay katapusan, siya nga wala motoo sa Anak dili makakita ug kinabuhi [sa langit], apan ang kapungot sa Diyos magapabilin diha kaniya [siya pagasilotan didto sa linaw nga kalayo hangtod sa kahangturan].” (Juan 3:36)

“Tumoo ka ni Ginoong Jesu-Kristo ug ikaw maluwas...” (Buhat 16:31a)

